

榮河縣志卷之一

沿革

榮河上古爲綸地

博物記曰汾陰古之綸少康邑府志詳辨其非但考會盟圖地道記指綸爲上古封國又府志地表于綸國下注黃帝臣伶倫封路史爲綸則榮河之爲綸非少康所邑之綸爲上古封國之綸彰彰明矣

陶唐在冀州境內

有虞在王畿內

榮河縣志

卷之一 沿革

夏爲甸服地

府志孔甲居于西河在今河津榮河間

商爲冀州侯國地

西周爲耿國地

府志耿嬴姓古伯翳後國杜征南云皮氏縣東南有耿鄉今河津縣及榮河縣爲其故地

東周爲晉國地

按周釐王時武公滅晉爲諸侯至武公子獻公滅耿地始屬晉

戰國爲魏汾陰地



秦仍爲汾陰屬河東郡

漢置汾陰縣屬河東郡隸司隸校尉部

西晉劉淵竊據省歸蒲坂縣仍屬河東郡隸司州司隸

校尉部

北魏復置汾陰縣屬北鄉郡隸秦州又隸南汾州

北周仍爲汾陰縣屬蒲州

府志西魏大統四年周文以兵渡河攻高氏其秦

州降遂畧定汾絳改秦州置蒲州汾陰屬焉而通

志地表汾陰不屬蒲州別置汾陰郡隋志亦云舊

置汾陰郡開皇初廢

滎河縣志

卷之一 沿革

二

隋仍爲汾陰縣屬蒲州河東郡義寧元年以汾陰龍門

置汾陰郡

唐武德元年曰秦州州廢仍爲縣開元十年以地得實

鼎之祥遂改汾陰爲實鼎屬河中府即蒲州隸中都河

東道次畿

宋大中祥符四年有滎光畧河之瑞改實鼎爲滎河置

慶成軍屬陝西路尋廢仍隸河中府縣治置軍使次

畿

金改置滎州仍爲縣屬河中府隸河東南路

通志金貞祐三年升滎州以河津萬泉隸焉有黃

河汾水睢邱元初廢州復縣

元仍爲榮河縣屬晉寧路河中府隸河東山西道蕭蕭
廉訪司

明仍爲榮河縣屬平陽府蒲州隸山西布政司

國朝仍爲榮河縣屬平陽府蒲州雍正六年陞蒲州爲
府仍屬焉隸山西布政司

按後漢志河東皮氏有耿鄉晉獻公滅耿杜征南
注云平陽皮氏縣東南有耿鄉地記又曰皮氏縣
汾水南是故耿國也今之河津卽漢之皮氏縣其
南境與西南境距榮河不過三十餘里古以水南

榮河縣志

卷之一

沿革

三

爲陰榮河在汾水故道之南故舊名汾陰則榮河
之爲耿地無可疑者彼云耿鄉在皮氏東南者特
以所都處言之不得謂南境西南境在三十餘里
內之榮河地非故耿封疆也至祖乙之未嘗遷耿
府志辨之詳矣不復附載

疆域附形勝

榮河縣境在蒲州府北少東一百二十里東西廣四十里南北袤八十里 通志南北袤八十五里府志與此同

東至猗氏縣界陳庄村四十里自猗氏縣界東南至猗氏縣治三十里 通志府志東至萬泉縣界四十里恐誤

南至臨晉縣界潘西村三十里自臨晉縣界少東至臨晉縣治三十五里 府志南至臨晉縣界二十五里通志與此同

榮河縣志

卷之一 疆域

四

西至黃河岸八里 通志西至黃河岸二里府志西至黃河九十步

北至絳州河津縣界張家塢五十里自河津縣界至河津縣治三十里

東南至臨晉縣界蔡高村三十里自臨晉縣界至臨晉縣治三十里 通志府志東南至臨晉縣治六十里

西南至黃河接陝西同州府郃陽縣界茶谷口二十五里自郃陽縣界至郃陽縣治四十里 通志西南至陝西郃陽縣治七十里府志西南至黃河接

陝西邵陽縣界五里

東北至萬泉縣界徐村四十里自萬泉縣界至萬泉縣治三十里 通志府志東北至河津縣界七十里恐誤

西北至黃河接陝西同州府韓城縣界謝里坡二十里自韓城縣界至韓城縣治十五里 通志西北至陝西韓城縣治三十里府志西北至黃河接陝西韓城縣界五里

自縣至山西省城太原府九百九十里至

京師二千一十里

榮河縣志

卷之一 疆域

五

按邑境廣袤及八方相距里數以通志府志考之多寡互有不符蓋古者分率準望之法既亡廣論遠近多少之數莫由辨覈後世弓步之算不逮古法而又委之吏胥故往往失實卽故牒班班亦有無足據者矣至邑之西境舊邑志謂黃河逼城通志謂至河岸二里府志謂至河岸九十步今則計里有八安知數年後昔之日崩月坼付之波臣者不盡出爲膏腴沃壤乎余旣爲榮民幸而于邑境相距道里必親覈焉以盡得其實其與前志所載不符者亦各附注于後

形勝附

峨崑東環洪流西帶北連汾水南接百谷遠峙孤山
之秀近依睢土之榮

舊志一

汾水之曲巨河之濱故魏之國都舊晉之疆土地形
詭異神道依憑中斷洪流揭成高阜俯聯修壤崛起
而崔嵬下望平阜斗絕而盤鬱

宋祀汾陰碑

原隰相屬彌迤而龍鱗堆阜孤標崛岉而雲矗靈宇
標于巨嶽素汾合于洪河逸勢奔趨迅湍激射綿億
載而隆起無流壤之微潰堅如挂于碣石危若冠于
靈山廣袤屈盤崢嶸詭異死同天造允謂神區

山川 附古跡 陵墓

峨嵋坡自萬泉衍而西至邑境擁護城東上多平原東南一峯差聳曰靈吉 山南坡曰亞夫土人傳亞夫屯軍于此曰番底距城十里達臨晉運城道曰高村又南爲白馬廟爲師家堦 山北坡曰寺坡曰風坡曰倉里曰長坡又北爲后土廟爲孫石崖左右相顧坡間有大溝曰百峪小溝無算

按縣境無山南北八十里皆依原爲輔高卑不一上極平行邑凡一百四十九村居原上者一百一十二村居原下者二十七村而原又分上下登下原榮河縣志 卷之一 山川 七 以眺一邑全勢如三級焉

朔坂漢水經流坂西

按水經注漢水西南流歷朔坂西流注于河今無所謂朔坂者通志山川門載隸榮河境或卽峨嵋原之別名耶

黃河在縣西自龍門而下由河津入境行縣境八十里其西岸爲陝之韓城郃陽南入臨晉縣境

汾河在縣北源出寧武分水嶺逕太原汾州平陽入絳州稷山由河津入縣境古以水南爲陰故縣舊爲汾陰地至唐改汾陰爲寶鼎元和郡縣志云汾水在寶

鼎縣北二十五里榮河志云汾水在縣北后主祠
西流入于黃河水經注所爲河南出龍門口汾水從
西來注之者也明隆慶四年河既改道同時汾亦東
徙由河津縣蒲州灘南入河今在縣者爲枯瀆

漢魁泉在縣南二十五里南趙村泐沮方丈郭恒農山
海經注云河東汾陰有漢水源在地底瀆沸湧出其
深無限名之曰漢馮翊郃陽縣復有漢亦如之相去
數里而夾河又河中渚上復有漢源皆潛通在汾陰
者人壅其流以爲陂種稻呼其本出處爲漢魁此正
在榮河者也其泉久隱明時邑令侯祁相地脉掘得
榮河縣志 卷之一 山川 八
之泉瀆河後河移徙不常今復失其出又一泉在縣
署廳事後當宋太宗祀汾陰禮成詩碑東北隅旁侯
祁得之作遇泉記今湮塞乾隆二十三年春縣署內
堂前墀磚缺處沁水滲漉盈寸挹之旋滿殆卽漢泉
之異出者歟

按明一統志漢泉有五陝之郃陽有四臨晉有一
大似車輪時恒沸湧里人因立神淵廟又曰漢泉
有三一在臨晉一在同州一在郃陽而初不及榮
河殆未細考也惟喬潭雙漢泉賦曰始開雙鳳發
輝于汾魏之知是榮河臨晉一漢魁卽雙鳳也

楊尙希爲蒲州刺史甚有惠政引漢水立隄防
稻田數千頃在榮者其一處矣

南屈村泉 北辛莊泉 孫石村泉 王信村泉皆可
灌田頗爲民利

古跡附

隄上在縣北汾水上水經注有長阜背汾帶河長四五
里廣二里餘高十丈汾水歷其陰西入河漢書謂之
汾陰隄應劭曰隄邱類也如淳注漢書曰隄者河東
岸特堆崛后土祠在西顏師古曰以形高起如人尻
隄古名一曰魏隄汾陰巫錦爲民祠魏隄師古曰汾
榮河縣志 卷之一 九

隄本魏地之墳起者故曰魏隄一曰隄邱水經注云
汾陰城西北隅隄邱上有后土祠封禪書曰始立后
土祠于汾陰隄邱是也一曰隄壇通志宋祥符四年
上乘金輅法駕進至隄壇一曰汾陰壇通志宋眞宗
出隄上后土廟圖命陳堯叟量加修飾命王旦撰祀
汾陰壇頌又曰靈壇

鄴邱亭水經注汾水西逕鄴邱北故漢之方澤也賈逵
云漢法三年祭地汾陰方澤澤中有方邱故謂之方
澤邱卽鄴邱也宋祥符四年眞宗祀后土禮成登鄴
邱亭以望河汾古鄴邱在汾隄之東漢舊儀云隄上

一曰郟上顏師古曰地本名郟音與蔡同彼鄉人呼
蔡如誰因轉作睢耳郟邱水經注獨作郟以爲許慎
說文稱從邑登聲則所學之異隋陸法言廣韻亦爲
郟周漢儀師古之說也其地久無考

狐谷亭郡國志汾陰有狐谷亭今榮河縣南趙村有漢
魁泉卽郭璞爾雅志所說者漢時亭與漢近也

武壁在縣境黃河岸側通志云元至正末所築凡八砦
曰汾陰故壁趙村薛成薛堡連柏西倉禹門以薛堡
居中可制諸營移中軍其上更名武壁周一千二百
步面臨絕澗北開一門今址存張昌有武壁門記

榮河縣志

卷之一山川

十

汾陰故城在今縣北九里諸志不詳所始按水經注則
魏文侯所築也周威烈王十七年文侯伐秦還築汾
陰周顯王十四年秦伐魏取汾陰卽此括地志云汾
陰故城俗名版蕩城在蒲州汾陰縣北魏土地記云
河東郡北八十里有汾陰城北至汾水三里

北鄉城

載北魏地形志

后土城

載北魏地形志

穆陵關在縣北十三里兩壁對立中開一線路爲南北
孔道邑之咽喉也舊有石刻曰古穆陵關通志云元
韓通守此

朝覲壇宋大中祥符四年祀汾陰築在故后土廟側
埽地壇舊在汾陰祠左有坊樹焉以爲軒轅埽地而祭
之所元時設者今崩于河

萬歲宮漢武帝祀后土時作宣帝神爵元年行幸河東
祀后土詔曰幸萬歲宮神爵翔集晉灼曰三輔黃圖
汾陰有萬歲宮

奉祇宮唐開元十一年祀汾陰建爲駐蹕行殿

太寧宮宋祥符四年真宗祀汾陰至密鼎縣奉祇宮有
黃雲隨天書輦詔改奉祇宮爲太寧宮中有穆清殿
祀畢享羣臣其中又有延慶亭爲致齋之所延寧亭
柔河縣志 卷之一
爲登眺處並在今后土祠左二里今其跡無可考矣
秋風亭在后土廟後元時建刻漢武帝秋風辭于石以
貯其中故名明隆慶中沒于汾

秋風樓在后土廟前貯漢武帝秋風辭石刻因署曰秋
風樓今淪于河

按通志秋風辭亭在后土廟後府志秋風亭在后
土廟前前與後互異想因淪沒後所傳異辭耳但
通志云有漢武辭石刻建層樓覆之署曰秋風樓
旣曰層樓則非亭可知府志載秋風亭千古跡門
又于汾陰后土祠後附載前有秋風樓擁鸞華煥

元時刻漢武帝秋風于石藏之樓下

國朝順治十三年河決后土祠爲所淪蕩秋風樓猶存
康熙元年河再決樓并沒若樓卽是亭祠以旣沒于
隆慶又沒于康熙元年耶想元時所建藏秋風辭石
者本係亭後亭廢建樓藏之亭在后土祠後樓在后
土祠前亭沒于隆慶樓沒康熙元年兩無疑矣故亭
樓兩存之

宋二聖配享碑銘俗稱蕭牆在城內察院東高丈餘廣
三丈碑石光澤堅厚上鑄二聖配享銘覆以垂簷斗
拱二聖宋太祖太宗也

滎河縣志

卷之一 山川

十一

宋修成湯廟碑銘祥符中殿中侍御史李瑩撰文
宋金人眞宗大中時所鑄凡四舊在蕭牆前人高各六
尺奉祀后土時用爲頂焚爐之具明季縣人以河水
數漲懼爲患共言于官云鐵人能壓水災因移西門
外河側以鎮之

龍馬負圖處碑世傳城南十里河岸上爲龍馬負圖處
上設白馬廟前明邑令侯祁題碑立大甯書院前大
路中今移置學宮尊經閣上

陵墓附

湯陵

在縣北四十里百祥村隋制祀湯于汾陰唐遷偃師
宋太祖乾德四年詔置守陵五戶元夔未歲渝于汾
河以石柩遷葬焉明初禮官議古帝王陵寢湯陵在
山西滎河縣正德元年太常少卿喬宇疏湯陵在滎
河縣北四十里舊傳陵已爲河水所壞不存歷代皆
于岸東近地設位而祭但屋宇卑隘地勢淺陋議得
廟後有隙地三四畝可以建置殿堂三間兩廡牲房
數楹從之後遂致祭于祠

國朝乾隆元年奉

旨修理歷代帝王陵廟知縣李維棟領帑銀一千二百
滎河縣志

卷之一 山川

三

餘兩于乾隆二年九月內興工改建寢殿五間大門
五間東西廡各三間省牲所三間門樓一座牌坊一
座照壁一座碑亭一座圍牆九十九步易磚砌壘于
乾隆三年六月竣工添設陵戶二名歲給工食各六
兩

陵有雙柏未知植于何時其一三人合抱其一四人
合抱此擎蛟結端正鬱葱殊勝秦岱漢植也

府志辨湯陵不在滎河至詳核矣然二帝三王之
陵祇夏禹後人無異說堯陵則括地志以爲在濮
州雷澤縣今平陽乃又有堯陵舜陵則歸晉司馬

子長史記之誤周文武陵之在咸陽者昔人辯之
以爲乃秦陵亦甚詳核而今祀虞舜文武乃皆在
寧遠咸陽若成湯則他處已無確陵聖德不可無
祀則祀成湯於滎河猶愈祀虞舜於寧遠祀周文
武於咸陽也歟

伊尹仲虺墓

世傳俱在湯王祠前因塑尹虺二像于祠以配享
諸葛武侯墓

在城南三十里天興村事無所考

張儀塚

滎河縣志

卷之一

南

在城東四十里

薛殿中丞墓

名儀宋人墓在趙行村司馬光撰墓志

吳元帥塚

名信元人在城東北四十里薛稽庄塚前碑猶存
歲久字毀莫能識

韓元帥塚

名通元末守穆陵關塚在城北十里

雷都憲塚

名煥明初以監生仕至都憲然無所攷今塚在縣

北十里湯源村

蔡通政墓

名瑄明洪武時官通政使墓在城南三里

周主事墓

名有光明廉吏也墓在城東北二里有神道碑

府志曰榮河塚墓之有諸葛武侯張儀猶猗氏之
八士萬泉之錢鏗徒自惑耳但當日或有姓名相
似爲俗訛傳者亦可留爲他日之辨證此亦寧過
而存之意也

榮河縣志

卷之一 山川

五

滎河縣志卷之二

城池 附津梁 坊里

城隋文帝開皇初築元至正十四年主簿邢天傑修周九里八步池深一丈五尺東倚巖坡西逼黃流城勢東高西低池爲坡水積年浸漫泥沙壅塞平坦可越明景泰初知縣于縉修成化中知縣馬懋加修正德二年河水至城下圯西北隅知縣宋緯築補止開東南北三門城內東西空濶無居民嘉靖二十七年知縣楊灝起築東西二面短墻遺空地於外三十四年地震城圯知縣侯祁重築雉堞俱易以磚增三門樓

滎河縣志

卷之二 城池

一

南北各建重門編修張四維記萬曆七年知縣郝朝臣開西門建小亭於門上八年知縣沈名實以土塞之二十九年知縣梅煥復開西城近河謙濕易崩崇禎十二年知縣王心正別築西城於西門內棄舊城於外周圍寔八里

國朝康熙元年秋淫雨四十餘日雉堞盡圯知縣張錫文修葺三月乃成四六年知縣梅夢紱重修

津梁附

汾陰渡在縣北后土祠後金南陽郡王代祀汾陰所設今廢

白馬渡在縣南十里元尚書范國英因用兵設今廢
西頭渡在西頭村西對韓城之芝川鎮秦晉商民往來
皆由此渡河

惠民橋在縣南百峪口明正德十一年知縣馬安建今
圯

通濟橋在縣南十里番底村知縣馬安建今圯

坊里附

在城三坊

宣化坊

崇教坊

明陽坊

在鄉十三里

榮河縣志

卷之二

二

百安里

羅弋里

湯倉里

三合里

北鄭里

王胡里

協前里

協後里

更名里

鹽丁里

小何里

百祥里

辛中里

按明初分四十二里成化間併作三十八里宏治
間併作三十五里正德間併作三十三里嘉靖間
併作二十八里萬曆初併作三十五里在城三坊

曰宣化 崇教 明陽 東鄉四里曰范家 張

宜 白崇 大賈 南鄉七里曰百荷 安昌

西李 薛公 烟村 蔡高 衛陽 北鄉十一